

IGORRE. Ibaiertzak aisialdirako lekutzat erabilteko aukerea be eskaini gura dabe

Uriol arriskuari aurre egiteko, bideratu egingo dabe Arratia errekea

Lanak udazkenean dira hasteko, eta ia 34 milioi pezetako inbertsinoa eukiko dabe



AITZIBER BASAURI

Igorreko alkatea eta Alvaro Amann, Jaurilaritzako Herri Lan eta Garraio sailburua, akordioa sinatzerakoan.

Aitziber Basauri

Arratia ibaia bideratuko dabe Igorretik igaroten dan tartean. Halan, batez be herri barruan, uholde arriskua dala-eta sortutako arazoa konponduko dabe. Eusko Jaurilaritzako Herri Lan Sailak eta Igorreko Udalak egitasmoa aurrera eroateko akordioa sinatu barri dabe.

Arratia errekearen tarte bitan egingo dira lanak: Indusi errekatik zubi barrirainokoa, bate-tik; bestetik, oinezkoendako zubitik Arantzazura arte —Indusi eta Arratia ibaiek bat egiten daben tartean—. Guztira, ia 34 milioi pezetako aurrekontua eukiko dabe. Jaurilaritzak inbertsinoaren % 75 egingo dau, eta Udalak ganerako % 25. Uholde gehien sortzen dabezan puntu bietan egingo diran errekea bideratzeko lanak. Udazkenean hasi ahal izango diralakoa dago Alvaro Amann, Herri Lan eta Garraio sailburua. Gertu egongo dira 4 hiletan.

Erreka bideratu eta uholde arriskuari urtenbidea emoteko urte bi daroe alkarlanean Udalak eta Jaurilaritzak. «Ibaiertzen trataera guztiak ingurumenagaz bat etorri daian lan egin da. Hasi-keran, 200 milioi pezetatik go-

rako aurrekontua eukan egitasmoa gertau zan. Halandabe, naturalagoa dan tratamentua landu da. Igorrerendako onuragari-riagoa, eta segurtasun handi-agoa eskainiko deusana. Inbertsinoa be txikiagoa izango da, ganera», dino Amannek.

Lurra, landaretzea eta Arratia errekea habestu gura dabez

Ingeniaritza biologikoaren teknikak erabiliko dira. Lurra, landaretzea eta errekea bera babestea da helburua. «Dagoan landaretzea errespetauko da. Izan be, erreka bideratu ostean, lurrok orain daukien erabilera bera eukitea gura da. Era berean, bertokoak diran arbola eta landarak ereingo dira. Bizkaiko Arrantza Alkartegaz alkarlanean erreka biziari be eusten ahaleginguko gara», azaldu dau Jon Buesa Ur Batzordeko zuzendariak.

Ibaiertzetako lurra eta landarek mogiduko dabez, erreka bideratzeko. Gero, barriro, bere lekuan ipiniko dabe. Landara barriak ereingo dira, sustrai-aren bidez erosinoaren kontra egiteko sarea eratzea da helburua. «Urte gitxi barru, babes natural-lean oinarritutako sistema eukiko dogu», dino Buesak.

Teknologia barri hori goratu dau Herri Lan eta Garraio sailburuak: «Herritarrek hormigoiz egindako horma gogorrera dagoz ohituta, seguruagoak diralakoa dagoz. Halandabe, aita-tzekoa da sistema barri horrek be segurtasun bera edo handi-agoa bermatzen dauana. Ganera, beharrezkoa da ingurumenare-riko errespetua, uholdeen au-rreraren bermea eskaintzeagaz eta

uriaren erabilera egokia emote-agaz bateratzea».

EAE aitzindaria da teknika barri hori erabilten. Guztira, 6-7 kasutan eroan da aurrera. Igorren egingo dana da garrantzi-tsuenetakoa, Buesak dinoanez.

Igorreko alkatearen ustez «oso garrantzitsua da lortutako akordioa. Izan be, uholde arriksuagatik ez geunkan etxebizit-zarik eregiterik».

ARRATIA ERREKEA BIDERATZEKOLANAK

Bidegorria, oinezkoendako pasealekua eta aisialdi eremua

Arratia errekearen 485 metro bideratuko dabez. Futbol zelaia-aren ingurutik igaroten dan ubidearen zatian, ez da sestra alda-tuko. Halandabe, bertan egiten dauen estugunea desagertu eragingo dabe. Horrek aukerea emongo dau urek hartzeko moduko berma barria ipinteko. Etorkizunera begira, 6 metroko zabalerako bidegorria egin gura dabe bertan. Ganera, lan-dara errenkadea be izango dau. Era berean, 4 metroko biga-rreraren berma be jarriko da. Hori, oinezkoendako bidea bihurtu-ko da. Soberan dagoan harri-lubeta be kendu egingo da. Hidroereitea eta landareak jarriko dira. Arantzazurako bidera daroan tartean, Indusi ibaia Arratia erreka-gaz bat egiten dauen puntuan dagoan presea 1,85 metrora jaitsiko da, beste-ak beste. Asmoa da ibaiertzak aisialdi eremurako be erabili ahal izatea, beti be, erreka ur handiagaz datorrenean, horrek baretzeko funtzinoa eukita.

LAGURAEAN

ABADIÑO

Mendiolan ur saneamentuko hodiak jarteko egitasmoa eskatuko dabe

Mendiola auzoan ur sanea-mentuko sarea jarteko egi-tasmoa eskatuko dau Uda-lak, epe laburrean. Halantxe, azaldu dau Jabier Uriarte al-kateak. Lanok 30 milioi pe-zetako aurrekontua daukie. Mendiolarako kaminoa as-faltau baino lehen amaitu gura dabez beharrok. «Al-dundiak bidea asfaltetako la-nak, aurtan, atarako dauz lehieketara. Halandaze, la-nak hainbat lasterren hastea gura geunke. Aldi berean, bi-debazterrak be egingo da-bez, eta guk aurretik sanea-menturako hodia eta argite-ria ipinten hasteko instalazioa jarriko dogu».

Aldundiak harrobien au-rreretik tartera arte asfaltatu-ko dau bidea, 3 bat kilome-tro. Halandabe, Udalak, aita-tutako azken tartea be atondu daian presinoa egin-go dau, Uriartek dinoanez. Irailerako saneamenturako egitasmoa gertu egongo da-lakoan dago Uriarte. Halan, lanak jarraian hasteko.

DURANGO

‘El territorio guipuzcoano en los albores de la Historia’ berbaldia, gaur

El territorio guipuzcoano en los albores de la Historia izan-go dabe berbagai, gaur, Du-rangoko Arte eta Historia Museoa, 19:30ean. Deustu-ko Unibertsidadean irakas-lea dan Milagros Esteban izango da hizlaria. *Garai erro-matarra Euskal Herrian* izen-buruagaz antolatutako His-toriari buruzko II. Jardunal-dien barruan sartzen da gaurko berbaldia.

AGENDEA

ABADIÑO

Olerki emonaldia: Olerki emonaldia, euskeraz eta erderaz, Kultur Etxean, gaur 19:30ean. Honorio Cadarsok (Zornotza) eta Vicente Morenok (Abadiño) gaztelaniaz jardungo dabe. Peru Magdalena (Durango), barriz, euskeraz.

DURANGO

Musika: Kultur Errotearen egitarauan, Labritek kantaldia eskainiko dau gaur, Berbaro tabernan, 20:30ean.

Erakusketea: Martin Egiaren argazkiak ikusi leitekez Berbaro tabernan.

ZORNOTZA

Erakusketea: *Cambaya entre el sufrimiento y la esperanza* argazki bildumea ikusi leiteke, Zornotza Aretan.